

III

Rok za obavljanje poslova i zadataka iz tačke II. Ovog Rješenja je 15 dana nakon što Komisija utvrdi da je predmetna osnova urađena u skladu sa odredbama Zakona o lovstvu i odredbama Pravilnika o sadržaju, načinu i nosiocima izrade, odnosno odobravanja lovnoprivredne osnove, godišnjeg i privremenog plana gospodarenja lovištem.

IV

Komisija je obavezna nakon izvršenih poslova i zadataka dostaviti izvještaj o radu Federalnom ministru poljoprivrede, vodoprivrede i šumarstva najkasnije u roku od sedam dana od dana isteka roka za završetak poslova i zadataka.

V

Za učešće u radu Komisije spoljnjem članu pripada naknada u skladu sa Uredbom o načinu osnivanja i utvrđivanju visine naknade za rad radnih tijela osnovanih od strane Vlade Federacije Bosne i Hercegovine i rukovoditelja federalnih organa državne službe.

VI

Ovo Rješenje stupa na snagu danom donošenja i objavit će se u "Službenim novinama Federacije BiH".

Pouka o pravnom lijeku:

Protiv ovog rješenja može se podnijeti prigovor federalnom ministru poljoprivrede, vodoprivrede i šumarstva u roku od 15 (petnaest) dana od dana prijema ovog rješenja.

Broj 08-1-22/7-682/22 B.M.
05. aprila/travnja 2022. godine
Sarajevo

Ministar
Mr. sci. **Šemsudin
Dedić**, s. r.

SUDSKA POLICIJA FEDERACIJE BOSNE I HERCEGOVINE

579

Na osnovu člana 90. stav (7) Zakona o sudskoj policiji u Federaciji Bosne i Hercegovine ("Službene novine Federacije BiH", broj 77/20), direktor Sudske policije u Federaciji Bosne i Hercegovine donosi

PRAVILNIK

O PROGRAMU, KRITERIJIMA I SADRŽAJU TESTIRANJA I INTERVJUA KANDIDATA U POSTUPKU IZBORA KADETA U SUDSKU POLICIJU U FEDERACIJI BOSNE I HERCEGOVINE

I. OSNOVNE ODREDBE

Član 1.

(Predmet pravilnika)

Ovim Pravilnikom uređuje se program, kriteriji i sadržaj testiranja i intervju kandidata u postupku izbora kadeta u Sudsku policiju u Federaciji Bosne i Hercegovine i druga pitanja koja su od značaja za izbor kadeta u Sudsku policiju u Federaciji Bosne i Hercegovine (u daljem tekstu: Sudska policija).

Član 2.

(Značenje opštih izraza)

- (1) Kandidat je osoba koja se na osnovu javnog oglasa prijavi za prijem u radni odnos u Sudsku policiju.
- (2) Kadet je osoba koju je sa liste uspješnih kandidata izabrao direktor Sudske policije (u daljem tekstu: direktor) radi pohađanja obuke za službenika Sudske policije.
- (3) U smislu ovog pravilnika, izrazi koji imaju rodno značenje, bez obzira jesu li korišteni u muškom ili ženskom rodu, odnose se jednako na muški i ženski rod, osim ako kontekst ne zahtijeva drugačije.

- (4) U smislu ovog Pravilnika, izrazi koji su navedeni u jednini ili množini odnose se jednako i na jedninu i množinu, osim ako kontekst ne zahtijeva drugačije.

Član 3.

(Zakonitost i načela rada)

- (1) Procedure testiranja i intervju kandidata provest će se u skladu sa odredbama Zakona o sudskoj policiji u Federaciji Bosne i Hercegovine ("Službene novine Federacije BiH", broj 77/20) i odredbama ovog Pravilnika.
- (2) Rad Komisije za izbor (u daljem tekstu: Komisija) se zasniva na načelima nezavisnosti, nepristrasnosti, efikasnosti i javnosti.

II. VRSTE, PROGRAM I KRITERIJI TESTIRANJA

Član 4.

(Vrste testova)

Kandidati za koje se od strane Komisije utvrdi da ispunjavaju opće i posebne uslove utvrđene javnim konkursom su dužni pristupiti:

- a) Testu općeg znanja, uključujući i pisani rad - esej;
- b) Provjeri morfoloških karakteristika;
- c) Testu fizičke sposobnosti.

Član 5.

(Program i sadržaj testa općeg znanja)

- (1) Pitanja na testu općeg znanja iz člana 4. tačka a) ovog pravilnika za prvi nivo pristupa u činu "sudski policajac", biti će utvrđena iz sljedećih propisa:
 - Ustav Bosne i Hercegovine;
 - Ustav Federacije Bosne i Hercegovine;
 - Zakon o Visokom sudskom i tužilačkom vijeću Bosne i Hercegovine ("Službeni glasnik BiH", br. 25/04, 93/05, 48/07 i 15/08);
 - Zakon o sudskoj policiji u Federaciji Bosne i Hercegovine ("Službene novine Federacije BiH", broj 77/20);
 - Zakon o krivičnom postupku Federacije Bosne i Hercegovine - odredbe člana 21., 95., 139., 249. i 256; ("Službene novine Federacije BiH", br. 35/03, 37/03, 56/03, 78/04, 28/05, 55/06, 27/07, 53/07, 9/09, 12/10, 8/13, 59/14 i 74/20);
 - Zakon o sudovima u Federaciji Bosne i Hercegovine ("Službene novine Federacije BiH", br. 38/05, 22/06, 63/10, 72/10, 7/13, 52/14 i 85/21);
 - Zakon o oduzimanju nezakonito stečene imovine krivičnim djelom Federacije Bosne i Hercegovine (Službene novine Federacije BiH", broj 71/14);
 - Zakon o zaštiti svjedoka pod prijetnjom i ugroženih svjedoka ("Službene novine Federacije BiH", broj 36/03).
- (2) Pitanja na testu općeg znanja iz člana 4. tačka a) ovog pravilnika za drugi nivo pristupa u činu "mlađi inspektor sudske policije", biti će utvrđena iz sljedećih propisa:
 - Ustav Bosne i Hercegovine;
 - Ustav Federacije Bosne i Hercegovine;
 - Zakon o Visokom sudskom i tužilačkom vijeću Bosne i Hercegovine ("Službeni glasnik BiH", br. 25/04, 93/05, 48/07 i 15/08);
 - Zakon o sudskoj policiji u Federaciji Bosne i Hercegovine ("Službene novine Federacije BiH", broj 77/20);
 - Zakon o krivičnom postupku Federacije Bosne i Hercegovine ("Službene novine Federacije BiH", br. 35/03, 37/03, 56/03, 78/04, 28/05, 55/06, 27/07, 53/07, 9/09, 12/10, 8/13, 59/14 i 74/20);
 - Krivični zakon Federacije Bosne i Hercegovine ("Službene novine Federacije BiH", br. 36/03, 37/03,

- 21/04, 69/04, 18/05, 42/10, 42/11, 59/14, 76/14, 46/16 i 75/17);
- Zakon o sudovima u Federaciji Bosne i Hercegovine ("Službene novine Federacije BiH", br. 38/05, 22/06, 63/10, 72/10, 7/13, 52/14 i 85/21);
 - Zakon o suzbijanju korupcije i organizovanog kriminala u Federaciji Bosne i Hercegovine ("Službene novine Federacije BiH", broj 59/14);
 - Zakon o oduzimanju nezakonito stečene imovine krivičnim djelom Federacije Bosne i Hercegovine ("Službene novine Federacije BiH", broj 71/14);
 - Zakon o zaštiti svjedoka pod prijetnjom i ugroženih svjedoka (Službene novine Federacije BiH", broj 36/03);
 - Uredba o činovima službenika Sudske policije Federacije Bosne i Hercegovine ("Službene novine Federacije BiH", br. 89/20 i 1/21-isp.).

Član 6.

(Izrada i ocjenjivanje testa općeg znanja i pisanog rada - eseja)

- (1) Test općeg znanja sastoji se od 25 pitanja za koje je ponuđeno najviše četiri odgovora od kojih je samo jedan tačan.
- (2) Pisani rad - esej predstavlja obradu zadate teme iz života ili iz oblasti sigurnosti, na način koji uključuje motivaciju, interesovanje, pismenost (gramatika i interpretacija), razmišljanje, zaključivanje i kreativnost kandidata.
- (3) Test općeg znanja i pisani rad – esej se može izraditi u više različitih grupa, s tim da su pitanja po svojoj težini srazmjerna za svaku grupu.
- (4) Test općeg znanja, uključujući i pisani rad - esej traje 90 minuta.
- (5) Za svaki tačan odgovor na testu općeg znanja iz stava (1) ovog člana kandidat dobija po 2 boda, što znači da kandidat na testu općeg znanja može ostvariti najviše 50 bodova.
- (6) Kandidat koji na testu općeg znanja iz stava (1) ovog člana ostvari 36 i više bodova smatrat će se kandidatom koji je zadovoljio, a kandidat koji je na testu općeg znanja ostvario manje od 36 bodova smatrat će se kandidatom koji nije zadovoljio i bit će isključen iz daljnje procedure izbora.
- (7) Pisani rad - esej se ocjenjuje odvojeno od testa općeg znanja na način da svaki član komisije kandidata može ocijeniti od 1 do 5 bodova, s tim da se konačan broj bodova kandidata dobije nakon što se zbir bodova svih članova Komisije podijeli sa brojem 5.
- (8) Kandidat na pisanom radu – eseju može ostvariti najviše 5 bodova.
- (9) Bodovi ostvareni na pisanom radu – eseju nisu uključeni u broj bodova ostvarenih na ispitu općeg znanja iz stava (6) ovog člana.
- (10) Test općeg znanja kao i temu za pisani rad - esej priprema Komisija, 24 sata prije započinjanja testiranja, a isti se nakon odobrenja od strane direktora umnožava u dovoljan broj primjeraka, te pohranjuje u zatvorene i zapečaćene kovertе.

Član 7.

(Postupak testiranja i ocjenjivanja)

- (1) Svaki test općeg znanja i pisani rad - esej će na prvoj strani imati prostor za upisivanje šifre koja je dodjeljena kandidatu, a test će sadržavati uputstvo za izradu testa i određena upozorenja, te će nakon pregleda biti potpisan od strane svih članova Komisije.
- (2) Organizaciju testiranja, identifikaciju kandidata, održavanje reda za vrijeme testiranja, udaljavanje sa testa kandidata koji se ne pridržavaju propisanog reda će vršiti Komisija.
- (3) Kućni red održavanja testiranja podrazumijeva: ulazak u prostoriju za testiranje sa isključenim mobilnim telefonom,

- odlaganje svih dokumenata, knjiga i drugih materijala (kandidatu je samo dozvoljeno posjedovati hemijsku olovku za pisanje i identifikacioni dokument), zabrana razgovora, dovikivanja, šaptanja, izlaska bez potrebe i odobrenja Komisije, ulazak u alkoholiziranom stanju, u neprikladnoj odjeći i slično.
- (4) Komisija će najkasnije u roku od 15 dana od dana završenog testa općeg znanja i pisanog rada – eseja izvršiti pregled i ocjenjivanje testova, te utvrditi listu kandidata sa brojem ostvarenih bodova i konstatacijom da li je kandidat zadovoljio ili nije zadovoljio na testu općeg znanja i pisanog rada – eseja.
 - (5) Rezultati kandidata na ispitu općeg znanja i pisanom radu - eseju bit će evidentirani u bodovnom listu kandidata koji je sastavni dio ovog Pravilnika, za osobe muškog spola (Obrazac prilog 1.1.) i za osobe ženskog spola (Obrazac prilog 1.2.).

Član 8.

(Uvid u test općeg znanja)

- (1) Svaki kandidat koji nije zadovoljan ostvarenim rezultatima na testu općeg znanja i pisanom radu – eseju ima pravo na uvid u svoj test općeg znanja i pisani rad – esej.
- (2) Uvid iz stava (1) ovog člana će se vršiti u prisustvu najmanje dva člana Komisije u terminu koji će biti naveden u listi iz člana 7. stav (4) ovog Pravilnika.
- (3) Uvid iz stava (1) ovog člana će se konstatovati u zapisniku koji potpisuju prisutni članovi Komisije i kandidat koji je pristupio uvidu.

Član 9.

(Provjera morfoloških karakteristika)

- (1) Provjera morfoloških karakteristika podrazumijeva mjerenje visine i težine kandidata i vrši se u sljedećim uslovima:
 - a) mjerenje se vrši u prijednevnom satima;
 - b) instrumenti za mjerenje moraju biti standardne izrade i moraju biti baždareni;
 - c) kandidati prema kojima se vrše mjerenja moraju biti bosi i minimalno odjeveni.
- (2) Za metode mjerenja morfoloških karakteristika tjelesne težine koristit će se vaga postavljena na horizontalnu podlogu. Kandidat je bos i odjeven (osobe muškog spola u šorcru, osobe ženskog spola u šorcru i majici), kandidat stoji na sredini vage mirno u uspravnom stavu. Kada se kazaljka na vagi umiri, rezultat se očitava i evidentira u stvarnom stanju.
- (3) Visina kandidata će se mjeriti antropometrom po Martinu. Kandidat stoji u uspravnom stavu na čvrstoj vodoravnoj podlozi. Kandidat treba da ispravi leđa koliko je god moguće a stopala treba da budu sastavljena. Osobe koje vrše mjerenje stoje sa lijeve strane kandidata i kontrolišu da mu je antropometar postavljen neposredno duž zadnje strane tijela vertikalno, a zatim spušta metalni prsten - klizač tako da horizontalna ploča dođe na glavu kandidata. Rezultat se očitava i evidentira u stvarnom stanju.

Član 10.

(Granice ocjene morfoloških karakteristika)

- (1) Morfološke karakteristike kandidata moraju biti u sljedećim granicama:

OSOBE MUŠKOG SPOLA			
Tjelesna visina			172 cm i više
Tjelesna težina			Visina -100 (+10 i -10)
OSOBE ŽENSKOG SPOLA			
Tjelesna visina			162 cm i više
Tjelesna težina			Visina -100 (+10 i -10)

- (2) Provjeru morfoloških karakteristika iz stava (1) ovog člana provodi Komisija, a za slučaj potrebe, tehničku ili stručnu pomoć Komisiji mogu pružiti drugi službenici Sudske policije ili druge stručne osobe iz ove oblasti.
- (3) Kandidat čiji morfološki status nije u granicama iz stava (1) ovog člana odmah se isključuje iz dalje procedure i neće pristupiti vježbama za provjeru fizičkih sposobnosti kandidata.
- (4) Mjerilac broji na glas samo pravilno izvedene sklekove. Ako sklek nije pravilno izveden mjerilac ne broji pokušaj već ponavlja broj ranije pravilno izvedenih sklekova. Mjerilac mjeri vrijeme, objavljujući prolazak od 30 sec i posljednjih 10 sec odbrojava glasno.
- (5) Broj pravilno izvedenih sklekova se odmah saopštava zapisničaru i isti se unosi u bodovni list kandidata, koji neposredno na licu mjesta, po završetku svih vježbi, potpisuje kandidat.

Član 11.

(Sadržaj testa fizičkih sposobnosti)

- (1) Test fizičkih sposobnosti sastoji se od provjere motoričkih sposobnosti kandidata putem sljedećih vježbi:
 - a) vježbe sklekova;
 - b) vježbe podizanja trupa - trbušnjaci;
 - c) skok u dalj iz mjesta;
 - d) vježba trčanja - sprint;
 - e) Cooperov test - vježba trčanja.
- (2) Test fizičkih sposobnosti iz stava (1) ovog člana provodi Komisija, a u slučaju potrebe, tehničku ili stručnu pomoć Komisiji mogu pružiti drugi službenici Sudske policije ili druge stručne osobe iz ove oblasti.
- (3) Kandidat koji ne pristupi izvođenju jedne od vježbi iz stava (1) ovog člana, smatrat će se kandidatom koji je odustao od procedure prijema kadeta, te će biti isključen iz daljnje procedure.

Član 12.

(Preduslov za pristupanje testu fizičkih sposobnosti)

- (1) Prije pristupanja izvođenju testa fizičkih sposobnosti svaki kandidat će potpisati izjavu da se osjeća zdravstveno sposobnim za izvođenje vježbi a koja je sastavni dio ovog Pravilnika (Obrazac prilog 2.), te da dobrovoljno pristupa provjerama i da u slučaju eventualne povrede ili drugog štetnog događaja, a koji nastane uslijed ili kao posljedica postupaka kandidata pri izvođenju vježbi ili zdravstvenog stanja kandidata koje nije poznato Komisiji, Sudska policija i Komisija ne snose bilo kakvu odgovornost.
- (2) Test fizičkih sposobnosti se izvodi u sportskoj opremi kandidata (patike, šorc, majica, trenerka ili sl., dok je strogo zabranjeno korištenje posebnog oblika patika "sprinterica").
- (3) Komisija će u postupku provođenja testa fizičkih sposobnosti svim kandidatima prije početka testiranja omogućiti samostalno zagrijavanje.
- (4) Komisija će, ukoliko to bude potrebno za svaku grupu kandidata odrediti službenika Sudske policije ili osobu iz reda kandidata koja će izvršiti pokaz-demonstrirati pravilno izvođenje pojedinih vježbi.
- (5) Sudska policija će osigurati pomagala i potrebna sredstva za adekvatno provođenje testa fizičkih sposobnosti (uređaji - sprave za mjerenje visine i težine, štoperice, metar i sl.).

Član 13.

(Vježba sklekova)

- (1) Vježba sklekova izvodi se na način da kandidat leži potrbuške, savijenih ruku sa dlanovima oslonjenim na tlo u visini ramena, laktovima primaknutim trupu, stopala razmaknuta do širine ramena, oslonjena na prste. Iz ovog položaja podigne trup sa tla u upor ležeći na rukama, ispruženih laktova.
- (2) Na komandu "priprema" kandidat zauzme početni položaj (podigne se sa tla) i na sljedeću komandu "sad" izvodi sklekove što brže može u trajanju do jedne minute.
- (3) Nepravilnostima kod izvođenja vježbe smatrat će se nedovoljno spuštanje, nedovoljno uzdizanje, preširok razmak nogu, ugibanje tijela, izbacivanje stražnjice iznad ravnine ramena i nogu.

Član 14.

(Vježba podizanja trupa - trbušnjaci)

- (1) Vježba podizanja trupa – trbušnjaci izvodi se na način da kandidat leži na leđima, koljena su savijena pod uglom od 90 stepeni, stopala raširena u širini kukova, ruke savijene u laktovima sa dlanovima na potiljku. Partner mu fiksira stopala za tlo. Na znak "sad" kandidat podiže trup od tla u sjedeći položaj (bradom iznad koljena) i vraća se natrag leđima na tlo u trajanju do jedne minute.
- (2) Nepravilnostima kod izvođenja vježbe smatrat će se otpuštanje ruku iza potiljka, gibanje tijela i popuštanje tijela, nedovoljno uzdizanje ili nedovoljno spuštanje, kao i odbijanje trupa od tla. Svako sljedeće dizanje mora se izvesti iz mirnog položaja.
- (3) Broj pravilno izvedenih podizanja se odmah saopštava zapisničaru i isti se unosi u bodovni list kandidata.

Član 15.

(Skok u dalj iz mjesta)

- (1) Vježba skok u dalj iz mjesta izvodi se na način da će kandidat stati na označeno mjesto sa blago raširenim nogama, koljena saviti i zamahnuti rukama radi što dužeg skoka, skočiti i doskočiti objema nogama.
- (2) Test iz stava (1) ovog člana se izvodi tri puta i evidentira se pravilno izveden skok koji je najpovoljniji za kandidata.
- (3) Nepravilnostima kod izvođenja ove vježbe će se smatrati kada se skok koji nije sunožan ponavlja i doskok sa osloncem na ruku koji se ponavlja.
- (4) Kod ocjenjivanja ove vježbe mjeri se dužina skoka, od startne linije okomito na odraznu liniju.
- (5) Tačnost mjerenja iz stava (4) ovog člana je jedan centimetar, ocjenjuje se najbolji izmjereni rezultat u centimetrima.
- (6) Dužina skoka se odmah saopštava zapisničaru i ista se unosi u bodovni list kandidata.

Član 16.

(Vježba trčanja - sprint)

- (1) Vježba trčanja - sprint izvodi se na način da osobe muškog spola trče dužinu od 100 metara a osobe ženskog spola dužinu od 60 metara.
- (2) Kandidat sa polazne pozicije iz niskog starta kreće na odgovarajući znak.
- (3) Kod ocjenjivanja ove vježbe štopericom se mjeri vrijeme u sekundama na jednu decimalu, od startnog znaka dok ispitanik grudima ne pređe ciljnu liniju.
- (4) Vježba se izvodi na atletskoj stazi s ucrtanim linijama starta, cilja i linijama koje označavaju staze u kojima se trči.
- (5) Tokom trčanja nije dozvoljeno prelaziti u drugu stazu, nagaziti na liniju ili na bilo koji način ometati druge učesnike u trčanju, što dovodi do diskvalifikacije.
- (6) Ostvareno vrijeme se odmah saopštava zapisničaru i isto se unosi u bodovni list kandidata.

Član 17.

(Kuperov test - vježba trčanja)

- (1) Cooperov test - vježba trčanja izvodi se na način da kandidat treba preći što dužu relaciju trčanjem ili hodanjem u vremenskom intervalu od 12 minuta.

- (2) Izvođenje ove vježbe - testiranje kandidata se može obaviti pojedinačno ili grupno (najviše 10 kandidata).
- (3) Na dati znak kandidati istovremeno kreću sa linije starta i prilagođavaju tempo kretanja svojim sposobnostima.
- (4) Zapisničar uz pomoć mjerioca precizno evidentira broj pređenih krugova kod svakog kandidata i nakon oglašavanja kraja testa dogovorenim znakom, svi kandidati na trenutak zaustave svoje kretanje, dobro zapamte mjesto na kom su bili (za to obično služi neki orjentir na stazi ili pored nje) i nastavkom kretanja dođu do mjerioca i zapisničara.
- (5) Ispitivač po prolasku šeste minute vježbe glasno označava kandidatima preostalo vrijeme (tj. još 5 minuta, još 4 minute posljednja minuta), kako bi kandidati mogli pravilno rasporediti energiju za završetak vježbe.
- (6) Evidentira se pređena dužina u metrima (broj krugova plus ostatak pređene staze od starta) sa preciznošću mjerenja od 5 metara.
- (7) Pređena relacija u kilometrima i metrima se odmah saopštava zapisničaru i ista se unosi u bodovni list kandidata.
- (8) Na kandidata koji od izvođenja ove vježbe odustane prije isteka predviđenog vremena (12 minuta) shodno se primjenjuje odredba člana 11. stav (3) ovog Pravilnika.

Član 18.

(Normativi testa fizičkih sposobnosti)

- (1) Ocjenjivanje - bodovanje vježbi koje su kandidati muškog spola izveli u skladu sa odredbama člana 13. do 17. ovog Pravilnika će se izvršiti u skladu sa sljedećim kriterijima:

Sklekovi (1 minuta)	Trbušnjaci (1 minuta)	Skok u dalj iz mjesta	Sprint na 100 m	Cooper test 12 minuta	Bodovi
50	45	280	12,0	3200	10
48	43	275	12,5	3000	9
46	40	270	13,0	2800	8
44	38	260	13,3	2600	7
40	35	250	13,6	2400	6
35	32	240	13,8	2200	5
30	29	230	14,0	2000	4
27	25	220	14,3	1800	3
24	22	210	14,6	1600	2
20	20	200	15,0	1400	1

- (2) Ocjenjivanje - bodovanje vježbi koje su kandidati ženskog spola izveli u skladu sa odredbama člana 13. do 17. ovog Pravilnika će se izvršiti u skladu sa sljedećim kriterijima:

Sklekovi (1 minuta)	Trbušnjaci (1 minuta)	Skok u dalj iz mjesta	Sprint 60 m	Kuper test 12 minuta	Bodovi
40	36	240	15,0	2800	10
38	34	230	15,5	2600	9
36	32	220	16,0	2400	8
34	30	210	16,3	2200	7
30	28	200	16,6	2000	6
25	26	190	16,8	1800	5
20	23	180	17,0	1600	4
17	20	170	17,3	1400	3
14	18	160	17,6	1200	2
10	15	150	18,0	1000	1

Član 19.

(Ocjenjivanje testa fizičkih sposobnosti)

- (1) Komisija će ocjenjivanje testa fizičkih sposobnosti u skladu sa normama iz člana 18. ovog Pravilnika izvršiti u što kraćem roku, a najkasnije u roku od 15 dana od dana završenih testiranja kandidata.
- (2) Rezultati iz stava (1) ovog člana se evidentiraju na obrascu bodovnog lista iz člana 7. stav (5) ovog Pravilnika.
- (3) Maksimalan broj bodova koji u zbiru svih vježbi testa fizičkih sposobnosti kandidat može ostvariti je 50 bodova.
- (4) Kandidat koji na testu fizičkih sposobnosti ostvari 36 i više bodova smatrat će se kandidatom koji je zadovoljio, a kandidat koji je na testu fizičkih sposobnosti ostvario manje od 36 bodova, smatrat će se kandidatom koji nije zadovoljio i bit će isključen iz daljnje procedure izbora.
- (5) Komisija će nakon ocjenjivanja-bodovanja utvrditi listu kandidata sa brojem ostvarenih bodova i konstatacijom da li je kandidat zadovoljio ili nije zadovoljio na testu fizičkih sposobnosti.
- (6) Lista iz stava (5) ovog člana se na oglasnoj ploči Sudske policije u sjedištu i njenim organizacijskim jedinicama ili službenoj Web stranici Sudske policije objavljuje najkasnije u roku od 3 (tri) dana od dana isteka roka iz stava (1) ovog člana.

III. INTERVJU

Član 20.

(Način obavljanja intervjua)

- (1) Komisija obavlja razgovor - intervju sa svakim kandidatom koji je zadovoljio na testovima iz člana 4. ovog Pravilnika.
- (2) Intervju sa kandidatom može trajati do 15 minuta, i provodi se po principu postavljanja pitanja na osnovu podataka dobijenih iz prijavnog obrasca kandidata (Obrazac prilog 3.), biografije, rezultata testiranja iz člana 4. ovog Pravilnika, te komentiranja određenih pojava i događaja.
- (3) Kriteriji procjene u toku intervjua su znanja i vještine, izgled, urednost, ponašanje, stavovi, ambicije, želja za usavršavanjem i ličnim razvojem, komunikativnost, elokventnost i druge osobnosti kandidata koje su ili mogu biti od značaja za uspješno obavljanje poslova službenika Sudske policije.

Član 21.

(Ocjenjivanje intervjua)

- (1) Nakon završenog intervjua svaki član Komisije, bez prisustva kandidata, ocjenjuje kandidata ocjenom od 1 do 5, a ocjena se upisuje na obrascu bodovnog lista iz člana 7. stav (5) ovog Pravilnika.
- (2) Rezultat intervjua će biti zbir bodova koji su dali svi članovi Komisije i može iznositi maksimalno 25, a minimalno 5 bodova.
- (3) Broj bodova dodijeljenih kandidatu se upisuje u obrascu bodovnog lista iz člana 7. stav (5) ovog Pravilnika i to pojedinačno za svakog od članova komisije, nakon čega se zbraja i čini ukupan broj bodova ostvaren na intervjuu.

IV. DRUGA PITANJA

Član 22.

(Šifre kandidata)

Svakom kandidatu će prije procesa testiranja biti dodijeljena šifra, sa kojom će kandidat biti upoznat prilikom neposredne predaje kovertirane prijave na Javni konkurs, a kandidati koji su prijavu na Javni konkurs dostavili preporučenom poštom će od strane Komisije o šifri biti upoznati putem telefona ili e-maila koji su naveli u prijavi na javni konkurs.

Član 23.

(Prijava na više oglašanih radnih mjesta)

U slučaju da se kandidat prijavi na više oglašanih radnih mjesta istog nivoa pristupa, isti će pristupiti jednom testiranju i intervjuu, dok će se ostvareni rezultati koristiti za sve pozicije istog nivoa pristupa za koje se kandidat prijavio.

Član 24.

(Mjesto provođenja testiranja i intervjuja)

Testiranja odnosno intervju propisani odredbama ovog pravilnika se može provoditi u prostorijama odnosno prostoru adekvatnim za nesmetan rad Komisije, a čije korištenje na prijedlog predsjednika Komisije odobri direktor.

Član 25.

(Nepristupanje)

Kandidat koji u zakazanom terminu ne pristupi testiranju, odnosno intervjuu, bit će isključen iz dalje procedure.

Član 26.

(Upoznavanje kandidata)

Kandidati koji pristupe testiranjima, odnosno intervjuu, će prije početka testiranja i intervjuja biti upoznati sa sastavom Komisije.

Član 27.

(Poslovnik o radu Komisije)

Načela rada Komisije, način rada, odlučivanja i druga pitanja od značaja za rad Komisije će se urediti poslovníkom o radu Komisije koji na prijedlog Komisije donosi direktor.

Član 28.

(Stupanje na snagu)

Ovaj pravilnik stupa na snagu narednog dana od dana donošenja i objavit će se u "Službenim novinama Federacije BiH".

Direktor

Broj Sp-01-795/22
08. aprila 2022. godine
Sarajevo

Glavni generalni inspektor
sudske policije
Dženađ Grošo, s. r.

Obrazac prilog 1.

PRIJAVNI OBRAZAC
ZA IZBOR KANDIDATA ZA PRIJEM KADETA
U SUDSKU POLICIJU U FEDERACIJI BOSNE I HERCEGOVINE

I. PODACI O RADNOM MJESTU NA KOJE SE KANDIDAT PRIJAVLJUJE:

Prijavljujem se za radno mjesto : _____

(ako se kandidat prijavljuje za više radnih mjesta, navesti sva radna mjesta za koja se prijavljuje)

II. LIČNI PODACI O KANDIDATU:

1. PREZIME _____	2. IME _____
3. Očevo ime _____	4. Djevojačko prezime _____
5. Datum rođenja □□ - □□ - □□□□□□	6. JMBG □□□□□□□□□□□□□□□□
7. Mjesto rođenja _____	8. Državljanstvo _____
9. Spol Muški <input type="checkbox"/> Ženski <input type="checkbox"/>	10. Bračno stanje Neoženjen/Neudata <input type="checkbox"/> Oženjen/Udata <input type="checkbox"/> Razveden/a <input type="checkbox"/> Udovac/ica <input type="checkbox"/>
11. Etnička pripadnost (Kandidat se izjašnjava dobrovoljno) Bošnjak <input type="checkbox"/> Hrvat <input type="checkbox"/> Srbin <input type="checkbox"/> Ostali <input type="checkbox"/> _____ (Navedi)	
12. Adresa prebivališta _____ (Ulica) _____ (Grad) _____ (Opština) _____ (Kantona) FEDERACIJA BIH <input type="checkbox"/> REPUBLIKA SRPSKA <input type="checkbox"/> BRČKO DISTRIKT BIH <input type="checkbox"/>	
13. Kontakt brojevi telefona i elektronska pošta 1. _____ (Stan-Kuća) 2. _____ (Mobilni) 3. _____ (Alternativni broj telefona) 4. _____ (e-mail)	
14. Molimo navedite podatke iz ličnih dokumenata za identifikaciju _____ (Broj Lične karte) _____ (Mjesto izdavanja) _____ (Datum izdavanja)	
15. Koju kategorij/e vozačkog ispita posjedujete? _____	

(PAŽLJIVO PROČITAJTE OBRAZAC I POPUNITE VELIKIM ŠTAMPANIM SLOVIMA)

III OBRAZOVANJE:

16. Srednja škola / Visoko obrazovanje

(Naziv obrazovne ustanove i zvanje – orisno o nivou pristupa)

_____ Od _____ Do _____

(Mjesto) (Period)

17. Ostala obrazovanja

a) _____

(Naziv)

_____ Od _____ Do _____

(Mjesto) (Period)

b) _____

(Naziv)

_____ Od _____ Do _____

(Mjesto) (Period)

c) _____

(Naziv)

_____ Od _____ Do _____

(Mjesto) (Period)

18. Da li govorite neki od stranih jezika?

Da Ne

Strani jezik	Početno znanje	Prosječno znanje	Aktivno znanje
	<input type="checkbox"/>	<input type="checkbox"/>	<input type="checkbox"/>
	<input type="checkbox"/>	<input type="checkbox"/>	<input type="checkbox"/>
	<input type="checkbox"/>	<input type="checkbox"/>	<input type="checkbox"/>
	<input type="checkbox"/>	<input type="checkbox"/>	<input type="checkbox"/>

19. Poznavanje rada na računaru?

Da Ne

Navedite neke od programa koje koristite

20. Da li se bavite sportom i kojim? (Ukratko objasniti)

(PAŽLJIVO PROČITAJTE OBRAZAC I POPUNITE VELIKIM ŠTAMPANIM SLOVIMA)

IV RADNO ISKUSTVO:

<p>21. Radno iskustvo</p> <p>Da <input type="checkbox"/> Ne <input type="checkbox"/></p> <p>22. Predhodno radno iskustvo</p> <p>a) _____ (Naziv radnog mjesta)</p> <p>_____ Od _____ Do _____ Poslodavac (institucija/preduzeće)</p> <p>b) _____ (Naziv radnog mjesta)</p> <p>_____ Od _____ Do _____ Poslodavac (institucija/preduzeće)</p> <p>c) _____ (Naziv radnog mjesta)</p> <p>_____ Od _____ Do _____ Poslodavac (institucija/preduzeće)</p>
<p>23. Sadašnji radno-pravni status</p> <p>Zaposlen <input type="checkbox"/> Nezaposlen <input type="checkbox"/></p> <p>_____</p> <p>_____</p> <p>_____</p> <p>(Kod kojeg poslodavca - ukratko napisati)</p>

V SAGLASNOST NOSIOCA PODATAKA ZA OBRADU LIČNIH PODATAKA

<p>Saglasan/na sam da Sudska policija u Federaciji Bosne i Hercegovine na osnovu člana 5. Zakona o zaštiti ličnih podataka („Sl. glasnik BiH“ broj:49/06., 76/11 i 89/11), izvrši obradu mojih ličnih podataka u proceduri selekcije kandidata za prijem kadeta u Sudsku policiju u Federaciji Bosne i Hercegovine, isključivo u svrhu prijave na Javni konkurs i odabira kandidata od strane ovlaštene Komisije u vremenu raspisivanja Javnog konkursa do okončanja aktivnosti Komisije na selekciji i odabiru kandidata.</p> <p>Saglasnost se daje svojeručnim potpisom nosioca podataka.</p> <p style="text-align: right;">NOSILAC PODATAKA</p> <p style="text-align: right;">_____</p> <p style="text-align: right;">(Potpis)</p>
--

VI IZJAVA

<p>Pod punom moralnom, materijalnom i krivičnom odgovornošću, IZJAVLJUJEM da su svi moji odgovori na gore navedena pitanja kao i podaci navedeni u ovom obrascu istiniti i potpuni.</p> <p>Datum popunjavanja:</p> <p>_____</p> <p style="text-align: right;">POTPIS KANDIDATA</p> <p style="text-align: right;">_____</p> <p style="text-align: right;">(Potpis)</p>
--

(PAŽLJIVO PROČITAJTE OBRAZAC I POPUNITE VELIKIM ŠTAMPANIM SLOVIMA)

VII PRILOŽENA DOKUMENTACIJA

1. _____
2. _____
3. _____
4. _____
5. _____
6. _____
7. _____
8. _____
9. _____
10. _____
11. _____
12. _____
13. _____
14. _____
15. _____
16. _____
17. _____
18. _____
19. _____
20. _____

Prijave sa potrebnom dokumentacijom se u **zatvorenoj koverti** mogu dostaviti lično ili preporučenom poštom na adresu:

SUDSKA POLICIJA U FEDERACIJI BIH
Ulica: Valtera Perića broj 15
71 000 SARAJEVO
“Komisija za izbor”
- NE OTVARATI -

(PAŽLJIVO PROČITAJTE OBRAZAC I POPUNITE VELIKIM ŠTAMPANIM SLOVIMA)

Obrazac prilog 1.1.

(šifra kandidata)

(naziv radnog mjesta za koje se kandidat prijavio)

BODOVNI LIST KANDIDATA**1. TEST OPĆEG ZNANJA**

Na testu općeg znanja, koji je održan dana _____, godine, kandidat je ostvario ukupan broj bodova _____ i time ZADOVOLJIO - NIJE ZADOVOLJIO na testu.

2. PISANI RAD - ESEJ

Nakon izvršenog pregleda pisanog rada - eseja, prema ocjeni članova komisije kandidat je ostvario niže navedeni broj bodova:

Potpis

1. predsjednik komisije () bodova - _____ ;
2. član komisije () bodova - _____ ;
3. član komisije () bodova - _____ ;
4. član komisije () bodova - _____ ;
5. član komisije () bodova - _____ .

Broj bodova kandidata dobiven zbrajanjem bodova svih članova komisije _____.

Na pisanom radu – eseju, kandidat je osvojio _____ bodova (broj bodova dobiven zbrajanjem bodova svih članova komisije i podijeljen sa brojem 5).

3. PROVJERA MORFOLOŠKIH KARAKTERISTIKA

Dana _____ godine, izvršena je provjera morfoloških karakteristika kandidata, kojom prilikom su u niže navedenoj tabeli evidentirani ostvareni podaci.

R/B	Morfološke karakteristike	Norme	Rezultati mjerenja
1.	Tjelesna visina	172 cm i više	_____ cm
2.	Tjelesna težina	Visina -100 (+10 i -10 kg)	_____ kg
Kandidat je prošao mjerenje i ispunio uvjete za dalje testiranje			DA NE

POTPIS KANDIDATA:

4. TEST FIZIČKIH SPOSOBNOSTI KANDIDATA

Dana _____ godine, izvršen je test fizičkih sposobnosti kandidata, kojom prilikom su u niže navedenoj tabeli evidentirani ostvareni podaci.

Red. broj	Naziv testa	Rezultati testa	Bodovi
1.	Broj sklekova (1 minuta)		
2.	Broj trbušnjaka (1 minuta)		
3.	Skok u dalj iz mjesta		
4.	Sprint na 100 metara		
5.	Cooper test (test trčanja 12 minuta)		
UKUPNO:			

POTPIS KANDIDATA:

5. INTERVJU

Dana _____ godine, obavljen je Intervju sa kandidatom, koji je prema ocjeni članova komisije ostvario niže navedeni broj bodova:

Potpis

1. predsjednik komisije () bodova - _____ ;
2. član komisije () bodova - _____ ;
3. član komisije () bodova - _____ ;
4. član komisije () bodova - _____ ;
5. član komisije () bodova - _____ .

Ukupno (____) bodova.

6. ZBIR BODOVA

Komisija konstatuje da je kandidat nakon svih provedenih testiranja ostvario **ukupno (____) bodova.**

Komisija za izbor:

1. _____ - predsjednik komisije
2. _____ - član komisije
3. _____ - član komisije
4. _____ - član komisije
5. _____ - član komisije
6. _____ - sekretar komisije

Obrazac prilog 1.2.

(šifra kandidatkinje)_____
(naziv radnog mjesta za koje se kandidatkinja prijavila)**BODOVNI LIST KANDIDATKINJE****1. TEST OPĆEG ZNANJA**

Na testu općeg znanja, koji je održan dana _____ godine, kandidatkinja je ostvarila ukupan broj bodova _____ i time ZADOVOLJILA - NIJE ZADOVOLJILA na testu.

2. PISANI RAD - ESEJ

Nakon izvršenog pregleda pisanog rada - eseja, prema ocjeni članova komisije kandidatkinja je ostvarila niže navedeni broj bodova:

Potpis

1. predsjednik komisije () bodova - _____ ;
2. član komisije () bodova - _____ ;
3. član komisije () bodova - _____ ;
4. član komisije () bodova - _____ ;
5. član komisije () bodova - _____ .

Broj bodova kandidatkinje dobiven zbrajanjem bodova svih članova komisije _____.

Na pisanom radu – eseju, kandidatkinja je osvojila _____ bodova (broj bodova dobiven zbrajanjem bodova svih članova komisije i podijeljen sa brojem 5).

3. PROVJERA MORFOLOŠKIH KARAKTERISTIKA

Dana _____ godine, izvršena je provjera morfoloških karakteristika kandidatkinje, kojom prilikom su u niže navedenoj tabeli evidentirani ostvareni podaci.

R/B	Morfološke karakteristike	Norme	Rezultati mjerenja
1.	Tjelesna visina	162 cm i više	_____ cm
2.	Tjelesna težina	Visina -100 (+10 i -10 kg)	_____ kg
Kandidatkinja je prošla mjerenje i ispunila uvjete za dalje testiranje			DA NE

POTPIS KANDIDATKINJE:

4. TEST FIZIČKIH SPOSOBNOSTI KANDIDATKINJE

Dana _____ godine, izvršen je test fizičkih sposobnosti kandidatkinje, kojom prilikom su u niže navedenoj tabeli evidentirani ostvareni podaci.

Red. broj	Naziv testa	Rezultati testa	Bodovi
1.	Broj sklekova (1 minuta)		
2.	Broj trbušnjaka (1 minuta)		
3.	Skok u dalj iz mjesta		
4.	Sprint na 60 metara		
5.	Cooper test (test trčanja 12 minuta)		
UKUPNO:			

POTPIS KANDIDATKINJE:

5. INTERVJU

Dana _____ godine, obavljen je Intervju sa kandidatkinjom, koja je prema ocjeni članova komisije ostvarila niže navedeni broj bodova:

Potpis

1. predsjednik komisije () bodova - _____ ;
2. član komisije () bodova - _____ ;
3. član komisije () bodova - _____ ;
4. član komisije () bodova - _____ ;
5. član komisije () bodova - _____ .

Ukupno (____) bodova.

6. ZBIR BODOVA

Komisija konstatuje da je kandidatkinja nakon svih provedenih testiranja ostvarila **ukupno (____) bodova.**

Komisija za izbor:

1. _____ - predsjednik komisije
2. _____ - član komisije
3. _____ - član komisije
4. _____ - član komisije
5. _____ - član komisije
6. _____ - sekretar komisije

Obrazac prilog 2.

Na osnovu člana 12. stav (1) Pravilnika o programu, kriterijima i sadržaju testiranja i intervjua kandidata u postupku izbora kadeta u sudsku policiju u Federaciji Bosne i Hercegovine, broj Sp-01-795/22 od 08.04.2022. godine dajem sljedeću:

IZJAVU

Ja _____, kandidat/kandidatkinja za prijem kadeta u Sudsku policiju u Federaciji Bosne i Hercegovine po osnovu Javnog konkursa broj _____ od _____ godine pod punom moralnom i materijalnom odgovornošću izjavljujem da se osjećam zdravstveno sposobnim za izvođenje vježbi koje podrazumijeva test fizičkih sposobnosti propisanih Pravilnikom o programu, kriterijima i sadržaju testiranja i intervjua kandidata u postupku izbora kadeta u sudsku policiju u Federaciji Bosne i Hercegovine, broj Sp-01-795/22 od 08.04.2022. godine.

Istovremeno izjavljujem da dobrovoljno pristupam testiranju i da u slučaju eventualne povrede ili drugog štetnog događaja, a koji nastane uslijed ili kao posljedica mojih postupaka pri izvođenju vježbi ili zdravstvenog stanja mene kao kandidata koje nije poznato Komisiji za izbor, Sudska policija u Federaciji Bosne i Hercegovine i Komisija za izbor ne snose bilo kakvu odgovornost.

U _____, dana _____ godine

POTPIS KANDIDATA:

LK. Broj: _____

Izdata od: _____